

# 福建通志

第捌拾陸冊

忠節傳

K295.7

1



福建忠節傳卷一

禮曰謀人之軍師敗則死之謀人之邦邑危則死之此爲謀忠之理充其量而節見焉然有非此省之人非此省之官如客軍幕職之類而死綏盡節於此省者人之名宦寓公皆不合將聽其湮沒不彰乎今但論其所死之軍師邦邑在此省則與本省人之死事者同歸忠節例雖似創有不得不變通者矣

唐

李肅世家子以從戎功封田王建中閒天子幸奉天閩叛將牛氏乘中原有事閉關竊據及朱泚平天子命肅率兵與裨將胡陳周張湯五人討之行次臨汀浮流口王師未集賊突至左右失色肅笑曰此正吾報國之日也乃短兵接戰手馘數十人而歿屍浮水上邑大姓詹糾歛殯而祠之貞

元十五年勅賜孚祐廣烈王

道光舊志  
引唐震記

黃碣閩縣人初爲小將喜學問抗志希古以戰安南有功高駢表爲漳州



刺史徙婺州有治績董昌爲威勝軍節度表碣自副及昌反碣諫曰桓文不侮周室曹操不敢危漢今僻嬰一城乃爲大逆何耶碣請先死不忍見大王之滅族昌怒斥出之碣移書幕府李滔曰順天建元以愚策之鍼可爲稍耶或竊其書示昌遂爲所害並其家百口坎鏡湖之南同瘞焉昌敗詔贈司徒

林慎思字虔中福州長樂人咸通十年進士復中宏詞科賜其鄉曰芳桂里曰大宏由祕書省校書郎至尙書水部郎中乾符中羣盜蜂起百姓流殍僖宗日與宦者燕嬉慎思與莆田余鎬累疏切諫不納出爲萬年令廣明元年黃巢陷長安慎思領兵出戰力不支欲自剄賊執之逼降慎思踞牀大罵北向稽首遂遇害年三十七友人周岌匿慎思母與妻子及所著書南歸

李彥堅字成實閩縣人累官銀青光祿大夫御史中丞乾符間黃巢寇閩僖宗以彥堅家世居閩素知山川險隘命守建州未至刺史李乾佑棄城



走彥堅召募民兵與賊戰於政和之高宅不克退保東滌賊進逼之自刃死

張謹字信美閩縣人累官福建招討使黃巢亂賊兵數萬寇閩中謹迎戰多所衝陷後與賊遇於政和之鐵山九戰殺傷甚衆賊以奇兵絕餉道士卒乏食困甚不能鬪謹意氣自如偏將郭榮字景華者赤頰長髯力能挽一石弓舉千觔謹與榮及將校江李曹葛許蔣等十八人持刃突陣呼聲震山谷斬首數百級賊欲解去探知矢盡無援乃蟻附奮擊自旦至晡十八人與榮俱死謹被創甚乃握刀箕踞罵賊被害謹妻子及榮妻皆罵賊死

童猛建州建安人今隸甌寧乾符閒爲節度副使練兵備盜討黃巢歿於陣

上官洎建州邵武人乾符末爲鎮將時黃巢自浙東踰江西破饒吉虔信等州刊山開道直趨建州洎與子蘭領兵禦之誓曰不收黃巢九泉之下不敢見先君抵建昌拒賊力戰父子皆遇害事聞俱贈將軍



熊博建州建陽人父避黃巢亂自南昌徙閩博有材勇尙氣節中和四年陳巖辟爲建州刺史時州治焚燬博寓治建陽巖卒徐範據州叛以應王潮博遂遇害

黃岳福州長溪人

後地析隸寧德

博通經典尤邃易象厯數之學唐末由鄉貢入

太學黃巢入閩避地者多就岳以資衣食乾寧中王審知爲威武節度累辟不就無何審知受王封必欲起岳岳度不能拒投淵而死岳妻林曰夫能爲忠臣妾獨不能爲忠臣婦乎亦投淵從之邦人立祠祀之來徵岳者崇舒趙田四人亦死

以上道光志

李材李機李槐兄弟三人不知何許人唐季屢立戰功遷指揮使乾符間黃巢入寇兄弟共率所部擊賊抵建陽被執賊欲釋用不屈死民相與具棺衾以葬後墓圯於水樞泝流而上至竹湖山下擁沙掩之眾異其神立廟祀焉竹湖今在黃亭街外界連建陽或以爲黃亭人

崇安志



五代

王忠順泉州晉江人初隸本城爲鄉軍朱文進弑閩主曦而自立以其黨黃紹頗守泉州忠順聞王延政立於建州遂與留從効董思安謀復王氏募敢死士五十人夜擒紹頗殺之送其首於建州迎延政子繼勳爲泉州刺史繼勳至遷忠順爲軍校南唐兵逼建州忠順與思安率兵赴援已而城陷忠順力戰死之

盧光福州閩縣人

案十國春秋光作玃

避地尤溪南唐兵入建州拔光爲尤溪守將

李仁達之亂遣其將陳匡弼襲尤溪光拒戰死之子五人四人從戰俱歿獨季子以幼故得存南唐主李景下詔褒卹授光季子總管復其家

廖居素將樂人

南唐縣屬建州

仕南唐因校書郎二十年始得大理司直後主煜

嗣位累遷至瓊林光慶使檢校太保判三司煜暴昏而羣臣方充位保富貴國益削居素獨慷慨驟諫冀煜一悟終不見聽乃閉門卻食服朝衣冠立死井中已而得手書大字於篋笥曰吾之死不忍見國破而主辱也徐



錯爲文弔之以比屈原云

廖澄順昌人

閩王氏置縣屬長樂  
附南唐改屬劍州

登梁開平二年進士遭迍不顯後仕南

唐累官大理評事宋曹彬下江南師圍金陵城陷從容更衣仰藥死

崔致堯字用之先世貝州清河人父億爲建陽令值唐末衰亂遂家焉致堯少有才名南唐保大中詣金陵獻書求試歷江州彭澤滁州清流二縣主簿改本州浦城軍判官所至有聲轉將樂縣令遷常州錄事參軍擢拜殿中丞遷虞部員外郎宋兵下江南除水部郎中督掌饋餉未幾金陵城陷眾皆卷甲隨國主李煜入朝致堯獨率所部南趨建州中途師潰遂歿於難

福建忠節傳卷二

宋

福州閩縣

曾升字孟高靖康中部士卒戍楚州至泗州招信縣與金人合戰死贈五官與一子恩澤廟祀之

朱牧字子文咸淳末舉進士任隆興府法曹元兵陷隆興死於官

林琦德祐二年元兵迫臨安琦於赭山結忠義數千人捍禦海道以功補宣教郎丞相文天祥開府南劍辟琦主管機宜文字充檢院官天祥入廣琦權通判惠州元兵迫惠境琦從天祥奔潮陽未幾敗於五坡被執脫走惠州復爲遊兵所獲護以北行至建康以憂憤卒同時閩士入幕府者有秘書郎謝杞充主管機宜文字許由李幼節吳文炳林棟充幹辦架閣官空坑之敗杞由幼節不知所終文炳棟被執至隆興遇害案杞由幼節與文炳棟諸志並闕不知何縣人並附以備考



侯官縣

吳昉字彥昭大觀三年進士建炎中權知荆南軍與賊戰歿贈朝議大夫  
官其子

永福縣

朱庭傑字世英崇寧五年進士建炎初知濰州北海縣尋攝通判金兵攻  
城庭傑與知州韓浩率衆固守金師力攻城陷庭傑與浩俱戰死事聞詔  
官其一子

盧榕字叔材初名郁登宣和三年進士歷衡州安仁令紹興初劇寇曹成  
擁衆自江北掠湖南鼓譟入邑榕率民兵轉戰力屈死之贈宣教郎子沂  
字詠道以父死事補官乾道中通判韶州攝英州劇盜李全抑犯廣州英  
爲上流人心驚潰簽判請棄城遁沂誓死守城賴以保進二秩命爲眞守  
未幾賊猝至沂戰死高宗憫之復官其子鑄

林空齋失其名舉進士歷知縣解官家居益王卽位福州張世傑帥師圍



泉州空齋率鄉人卽其家開忠義局起兵復永福縣以應世傑時王積翁陽送款世傑密約元兵至屠永福空齋盛服坐堂上嚙指血書壁云生爲忠義臣死爲忠義鬼草間雖可活吾不忍生爾諸君何爲者自古皆有死俄見執不屈死

### 長樂縣

楊夢斗字子仰寶祐四年進士歷揚州都統使鎮服蠻酋兄琦弟叔濟姪次鄭分兵守要害景炎末宋室播遷夢斗與文天祥力抗元師兵敗赴揚子江死里人立祠祀之扁其額曰文章節義

高應松字箕畝開慶元年進士累擢權禮部員外郎翰林權直元兵陷臨安舉朝奔竄從官存者九人應松其一也同留者正言陳春伯侍郎翁仲得大理寺卿郭珙皆福州人是日除應松中書舍人直學士院令草降表應松泣辭恭宗及太后北行應松扈從至燕絕粒不語越七日而卒

陳覺伯字宗尹登咸淳七年進士補泉州教授帝昀航海次泉州港覺伯



率同列表起居尋命攝本州通判扈從入廣拜福建提刑數日罷歸聞星  
山師潰憤惋不食而卒

陳公榮字子華初遊太學景炎元年元兵入臨安公榮破產募兵謁文丞  
相丞相喜薦授福清知縣時蒲壽庚以泉州降元公榮同子宗傳姪老成  
會張世傑討之宗傳老成戰死偕死者百七十人事聞贈官及賜祭有差  
公榮臨終戒族人勿事二姓故終元之世無一人附官籍者乾隆通志長  
樂縣志並同

### 羅源縣

余光庭字朝美知鄧州建炎初金人陷鄧州不屈死舉家殲焉

### 寧德縣

姚望之字肖呂寶慶二年武舉擢第會朝議恢復三京制置使趙葵辟爲  
屬官未幾師敗望之竟歿於王事

### 懷安縣



陳旦嘉定中武舉正奏紹定中從陳韓平建邵寇歿於王事南劔人祀之於愛仰堂

連江縣

陳適字正中紹興二年特奏名授雷州海康縣尉時蠻寇陸梁適繕器練兵力戰克捷乘勝深入忽伏兵四起寇縛之適厲聲罵賊遂遇害事聞贈宣教郎官其子

福安縣

謝翺字皋羽後徙浦城

案宋金華胡翰撰翺傳作建寧人鄧牧伯牙琴作延平人元楊維禎弔翺文序作三山人惟宋浦江

方鳳撰翺行狀作長溪人後徙浦城明宋濂撰翺傳與鳳同鳳與翺交遊最久所書里貫當得其實今從之父鏞性至孝喪母

廬墓哀毀動人絕意仕進閉戶治春秋經傳翺世其學咸淳初試進士不

第棄舉子業慨然以古文名家撰皇宋鐃歌鼓吹曲騎吹曲上太常樂工

傳習之德祐二年元兵入臨安以恭宗北去丞相文天祥亡走閩中開府

南劔翺傾家貲募鄉兵數百人赴軍門署諮議參軍明年隨天祥引兵至



漳州已而天祥趨廣東與翱別翱浮海流泊溫處間凡四年聞天祥在燕  
京殉節悲不自勝每見山水池榭雲嵐草木與天祥所別處偶似者則徘徊  
顧盼恍若夢寐後三年至平江過天祥制閩舊治望夫差之臺而哭焉  
遂東遊紹興上會稽循山左右窺祐恩諸陵復哭天祥於越臺與義士唐  
珏交密爲作冬青樹引別珏而行之婺州依浦江方鳳時永康吳思齊亦  
來鳳所遂偕隱山中不問當世事翱嘗欲仿司馬遷法采獨行全節事作  
月表如秦漢之際書未及成邀同志結汐社自鳳思齊外嫠方幼學方壽  
睦馮桂芳翁登登第衡皆與焉居逾年與思齊等買舟浮七里瀨謁嚴光  
祠祠後有東西二釣臺翱登西臺上設天祥主荒亭隅再拜跪伏號而慟  
者三乃以竹如意擊石作楚歌招之曰魂朝往兮何極暮歸來兮關水黑  
化爲朱鳥兮有囑焉食歌闋竹石俱碎既下移榜中流賦詩懷古日暮雪  
作天陰風凜冽愀然謂思齊曰阮步兵死空山無哭聲且千年矣於是相  
向感喑皆淚下不能禁甲午歲寓臨安年四十有六矣有劉氏者女以女



始買屋西湖上前代遺老尙多存者咸自詫見翺晚明年復至婺睦尋沙社舊盟是夏由睦返臨安肺疾作逾數月卒翺刻厲憤激視世間流俗人若將浼已者效屈平懷鄧都託興遠遊自號晞髮子遇談勝國事輒嗚咽性嗜山水然足跡非奇絕處不到先是建炎中江端反呂居仁朱翌辟地白雲原原故唐方干所居在釣臺之南翺遊而樂之曰吾死葬此足矣且欲爲文彖瘞所作稿疾革語妻劉氏曰吾去家千里交遊惟方韶卿吳子善輩最親慎收吾文及吾骨授之韶卿卽鳳子善卽思齊也鳳與思齊等卒如翺前言以葬翺嘗以朋友道喪吳越無挂劍者思合故交名氏作許劍錄勒諸石至是鳳等復爲建許劍亭於墓右從翺志也翺無子其徒吳貴祠之月泉書院云

### 建州建安縣

曹觀字仲賓皇祐中知封州廣源蠻儂智高叛沿鬱林江東下時承平歲久嶺南州縣守備隳敝長吏以下望風遁封州無城隍可守士卒纔百人



不任戰鬪覲募敢死隊五百人以守賊猝至或勸覲走覲正色曰我守臣也有死而已敢言避賊者斬自佩郡印以出麾都監陳煜引兵禦賊縣令督鄉丁弓手繼進賊眾數百倍煜兵敗覲兵亦潰被執賊惜不殺徙置舟中不食者兩日探懷中印授其從卒曰我且死若求閒道以此上官賊知其無降意乃害之時年三十五事聞贈太常少卿錄其子四人覲妻劉氏避賊死於林峒追封彭城郡君加賜冠帔後田瑜安撫廣東爲覲立廟封州紹興六年追賜覲謚忠肅

李之邵建炎初爲臨江軍新喻縣尉隆祐太后幸虔州扈從軍所過燔掠遂作亂之邵拒之於萬全里兵敗被執不屈賊感殺之邑人立祠里中慶元四年縣令孫洵表其墓

雷龍濟字耕祿鄉貢進士舉義兵隨帝昺至匡山兵敗沒於萬石灘

### 浦城縣

潘中字民極崇寧五年進士第三人歷知長溪縣靖康二年建卒葉濃



中慮濃迫境團結民兵結忠義社以爲備明年賊勢益張寧德令遺書報急中率兵夜赴控扼白鶴嶺賊却去復島合千餘中迎戰於鹽田之麓陷陣被執賊脅使降中瞑目叱之遂遇害事聞詔贈朝請大夫官其二子黃璘字邦美重和元年進士歷官拱州襄邑縣丞靖康元年金人分兵襲拱州驅郡縣吏爲鄉導一郡風靡璘移病不出金兵促之急遂赴井死時年四十建炎初贈朝奉郎官其弟之子爲璘後

徐夢發嘉熙二年進士授寧德令累官朝議大夫廣東招捕使景炎初元兵南下夢發守仙霞關敵猝至左右皆潰夢發獨踞坐大罵遂遇害

### 建陽縣

熊安上字仲禮大觀三年中武科第一人累官信德府兵馬鈐轄權通判軍州事金兵南下禦戰死之追贈武義郎

呂祉字安老宣和三年上舍釋褐補鄧州教授靖康初詔求直言祉上封事語皆切中時弊殿中侍御史王庭秀論宰相呂頤浩除擬不公出知筠



州社奏曰朝廷今日緣論大臣移一言官明日緣論大臣罷一言官此後  
大事有失誰敢言者庭秀乃召還紹興元年提點荆湖南路刑獄三年淮  
南宣撫使韓世忠將出師辟社佐軍事除直徽猷閣充參議官既而世忠  
不渡淮遂改社直龍圖閣知建康府兼江東安撫使條具十事以進到官  
復作東南防守利便三卷上之未幾金人與劉豫兵分道渡淮世忠退  
鎮江社極陳守禦利害乞親御六軍上下協心可以不戰而勝於是高宗  
下詔親征駕幸平江金兵已退悉如社所料初社在建康每有恢復之志  
樞密張浚大喜之六年浚以右僕射視師淮甸乞選從官爲助除社刑部  
侍郎充都督行府參議軍事俄遷吏部侍郎參議如故會僞齊劉麟入寇  
淮西宣撫使劉光世奏合肥難守欲退保太平州軍已行高宗命社馳往  
軍前督光世還廬州七年三月擢試兵部尙書兼都督府參謀事浚以光  
世驕惰不戰奏罷之分光世所部六軍聽社節制而命王德爲都統制以  
鄧瓊爲之副德本光世愛將而瓊則光世所招盜也社還朝奏事瓊與其